

中國邊疆史志集成

東北史志

第三部

4

全國圖書館文獻縮微複製中心

中國邊疆史志集成

東北史志

第三部
4

全國圖書館文獻
縮微復制中心

紀國界第一

天然界綫與人爲界綫之沿革及現今之定界

先王疆理天下首在嚴界域辨華彝蓋國界所在之處卽國權所至之處亦卽國際之所由生呼倫貝爾實我東北上游邊防要地其正西稍北與東北一帶均與俄國爲鄰尤界學家所宜注意者也然考前代歷史此地多未隸版圖唐虞三代之時地在荒外其詳不可得聞七雄之世稱燕國北有東胡山戎亦未指其地之所在秦併六國東胡擾邊築長城以禦之凡長城外東北之地咸目之爲東胡蒙恬復斥逐匈奴收河南地匈奴遂北遷漢武帝專務拓邊遣大將軍衛青出塞北征匈奴至於臚胸卽今克魯倫河爲中國兵力至呼倫貝爾之始當是時匈奴遠遁漠北滅東胡分左右部倫境遂爲匈奴左部漢桓帝時鮮卑盛強肅據匈奴故地分爲東中西三部倫境遂爲鮮卑東部在晉則爲地豆于國南北朝爲烏洛侯屬地按

皇朝文獻通考云烏洛侯卽俄羅斯爲元魏先世所居地又魏書序紀宣皇帝南遷大澤方千餘里厥土昏冥沮洳謀更南徙未行而崩獻皇帝時有神人言于國曰此土還

荒未足以建都邑宜復徙居帝衰老乃以位授子聖武皇帝誥汾奉帝命南移山谷
高深九難八阻於是欲止有神獸其形如馬其聲類牛先行導引歷數年乃出始居
匈奴故地證以圖里琛所記匈奴故地卽今喀爾喀倫境西與喀爾喀密接其爲烏
洛侯國無疑至烏洛侯是否卽俄羅斯則無確據北魏南遷通中國烏洛侯仍居其
地魏眞君四年烏洛侯國來朝稱其國西北有先帝后室室有神靈是歲遂遣中書
侍郎李敞告祭斬樺木以置牲體而還所立樺木成林其民益神奉之今額爾古訥
左右岸延內興安嶺一帶多產樺木亦其證也又四夷傳云勿吉在高句麗北室韋
在勿吉北千里地豆子在室韋西千餘里烏洛侯在地豆子北去代都四千五百餘
里西北行二十日有于已尼水卽北海也蓋當兩晉南北朝之時此數國犬牙相錯
游牧無常遞爲雄長至隋代突厥最強其始自木杆可汗北併契丹後拓境日廣自
遼海至西海東西萬里自漠北至北海五六千里周齊皆畏憚之後分東西兩部今
俄羅斯西伯利亞部皆屬東突厥倫境卽其東部地唐代突厥衰微高宗破之凡僕
骨拔野古等

均在今呼倫貝爾地

皆爲羈縻郡縣唐末五代之時渤海靺鞨種人強盛西併契

丹盡得夫餘沃沮地方五千里建國於室韋山至宋契丹強復其故地改國號遼室
韋之地盡爲屬國故有黃皮子室韋黑車子室韋共二十餘部今倫境之室韋山並
室韋公特嶺所由名也按黑車子善作車帳其人知孝義地貧無所產契丹之先爲
回紇役後背之走黑車子遂學作車帳今倫境蒙古車之氍毹尙自作也又朔方備
乘北徼圖說載契丹東北至嫺厥律水出大魚契丹仰食又多黑白黃貂鼠皮其人
最勇鄰國不敢侵蓋今呼倫貝爾城之地又遼道宗曾泛舟黑龍江即額爾古納河下游又置
鎮州建安軍節度築城曰古可敦在今克魯倫河北專捍衛室韋突厥則倫境之爲遼屬地
可知南宋之時生女真越興安嶺而西其廣吉利諸部常游牧於呼倫貝爾兩地今
倫城北三百餘里有東西一帶之界壕舊圖註謂金源邊堡者卽金人博果勒之所
浚也至元代發祥於斡難河即今黑龍江上游之嫩河奄有漠北之野塔塔兒部宏吉剌部均
爲所吞併跨怯綠憐河之地卽今克魯倫之轉音太祖封弟斡赤斤倫城北二百五十餘里根
河北岸有故城基城四面共二千步內有高土臺一南北長五十步東西寬二十五
步破琉璃瓦亂積其中東西路直貫爲俄人入山者所踐西門外有水泊水清而不

見底相傳宏吉刺氏之所居後入中原遂以其地爲嶺北行中書省治和林卽今庫倫倫境西與庫接壤其爲嶺北省所統治也可知至明太祖伐元拔大都卽今北京元嗣

主愛猷識理達鵬復奔和林六傳至坤帖木耳未幾被弑鬼立赤篡立爲可汗去國

號稱韃靼永樂六年阿魯台殺鬼立赤迎元裔木雅失里立之嗣因殺明使成祖乃

北踰闊灤海以擊破於斡難河木雅失里復爲瓦剌所襲徙居臚朐河成祖復親征

逾臚朐河至闊灤海卽今呼倫池轉音木雅失里衆潰散阿魯台降木雅失里爲瓦剌馬哈

木所殺阿魯台擊破瓦剌漸驕蹇入寇帝親征破之東走兀良哈卽布特哈地當太祖之

時置朶顏泰甯福餘三衛於兀良哈後三衛亦陰附韃靼常爲邊患倫境東接布特

哈實亦韃靼之往來游牧地統觀歷代之沿革古人皆未身履其地所書多出傳聞

未必盡確土人不講文字又無紀載可考不過約略言之然或爲外夷或爲敵國或

朝貢或征討雖遼金元之拓地廣遠大率部落散居爲諸王封地從未有如我

朝之混一區宇實隸帡幪我疆我理者我

太祖高皇帝於癸未征厄堪外蘭此用兵黑龍江之始天命元年七月丁亥遣大臣率兵二

千征薩哈連

即黑龍江

八月丁巳駐營黑龍江南岸凡附近黑龍江呼爾哈部索倫部諸

達瑋塔庫喇喇路

方略云
使犬部

諾囉路

即鄂倫春
名使鹿部

又均相率來歸十年

太宗命阿賴達爾漢外藩蒙古諸貝勒往追茂明安部下逃人至使鹿部喀木尼堪地方招

集葉雷舍爾特庫巴古柰土古等及其從役家口來獻凡沿黑龍江南岸之索倫部

遂無不奉正朔稱臣妾矣按使鹿部即今額爾古納河右岸山中之鄂倫春人所使

之獸俗謂之四不相其形似鹿故謂之使鹿部至順治初年羅刹

即今
俄羅斯人

使吞併

尼布楚地又東竊據雅克薩築城以居後遂爲邊患索倫達呼爾諸部皆被其侵掠

康熙二十一年始命將出師數施撻伐於呼馬爾河駐兵相持羅刹乃懷德畏威不

敢狡焉思逞二十八年遂命領侍衛內大臣會同俄使於尼布楚城議定黑龍江界

約立碑額爾古納河岸其第二條云將流入黑龍江之額爾古納河爲界河之南岸

屬中國河之北岸屬俄羅斯國此即天然界綫之屬於呼倫貝爾東北者也但查額

爾古納河現今之流域其大勢係北流入黑龍江有東西岸無南北岸而約內言南

北岸者或以將近黑龍江處河水微曲而東故曰南北岸雍正五年議定恰克圖界

約第三條內云查罕敖拉之卡倫鄂博至額爾古訥河岸蒙古卡倫鄂博以外就近前往兩國之人妥商設立鄂博爲界復查是年議定恰克圖東西鄂博案內有云布爾古特依山南巴彥梁起至東邊額爾古訥河源阿巴哈依圖即阿巴山分界共立鄂博四十八處但倫境所設之地約文則均未載明復查是年所定之阿巴哈依圖約共立鄂博六十三處自查罕敖拉卡倫鄂博至額爾古訥河最高處之中國卡倫在此附近一帶設鄂博五座於舊有鄂博之塔爾郭達固向北草地上設第五十八鄂博舊有卡倫之查罕烏魯向北貼近沙羅嶺設第五十九鄂博舊有之鄂博之塔奔托羅海向北貼近博羅托羅海嶺設第六十鄂博舊有卡倫鄂博之索克圖向北附近嶺上設第六十一鄂博舊有鄂博之額爾庫里托羅海向北附近之最高處設第六十二鄂博額爾古訥河之右岸正對海拉爾河之中間阿巴哈依圖嶺之凸出處設六十三鄂博此卽人爲界綫之屬於呼倫貝爾正西稍北者也今查塔爾郭達固卽塔爾巴幹達呼山在倫城西北四百五十餘里高四十餘丈孤峯特出石均黑色上有鄂博二爲倫城西北國界之起點山下地勢漸窪其西南卽喀爾喀界南距

五里許有界牌中書滿蒙文字係倫境與喀爾喀分界處聞此界牌十年一換光緒三十二年經總管車和札會查換立所書之字卽某人於某年月日會查所記其北卽俄境薩拜嘎省界惟查舊界約云於舊有鄂博之塔爾郭達固向北草地上設第五十八鄂博今在草地上之鄂博無從查考卽以此山頂之舊有鄂博爲界擬在此添設卡倫一處由此東行五里俄界內有水池名下巴爾按蒙語下巴爾多泥也縱橫約一方里旁有俄屬布拉牙特人游牧之牛羊郡布拉牙特與外蒙古及倫屬之新巴爾虎旗人同文同種自明代已隸俄國再東十餘里卽俄鐵路沙爾松車站西里許有俄村一約十餘戶東南二十餘里卽查罕烏魯又名查罕敖拉按蒙語查罕白也敖拉山也在倫城西北四百餘里高八十餘丈西北距塔爾巴幹達呼山約五十里東距鐵路六里許南距東清鐵路首站之滿洲里七八十里查罕敖拉新設卡倫在該山之陽相距約三四十里爲滿洲西北最大之山相連數峯山石層疊其北高山頂上舊有鄂博二北距三百八十步微低山頂上有新立鄂博二因舊有鄂博之平石上題字數行文曰呼倫貝爾副都統宋派委員某於某年月日勘界至此東南距五里許極高山

頂有俄人所立之木架然舊界約則云於舊有卡倫鄂博之查罕烏魯向北距近沙羅鄂拉嶺設第五十九鄂博今則沙羅鄂拉嶺鄂博無從查考矣復由此東南行二十餘里卽俄鐵路馬七也夫斯基車站站南三里許鐵路旁有俄人所立之木標上釘雙頭烏鐵牌中書俄文爲鐵路入中國之起點蓋此站在中俄交界之區東清鐵路與西伯利亞鐵路在此處聯接乃兩鐵路汽車來往交換處則不在於此而在南去四十里中國界內之滿洲里站站北十餘里有東西邊壕一道甚長卽舊地圖所註之金源邊堡詢之土人謂爲金太祖所築再由此過鐵路東二十餘里卽塔奔托羅海

按蒙語塔奔五也托羅山也

在倫城西北三百六十餘里西北距查罕烏魯約四十餘里此

山並列五峯中峯漸高多石附近西北微高山頭有分界鄂博二近南極高山頭有俄人所立之木架東南十數里卽舊鄂博山中有鄂博二山不甚高多石迤西南里許卽滿洲里車站界壕再東三十餘里越數峯卽索克圖又名蘇克特依在倫城西北三百五十餘里山勢頗高周圍皆山嶺環抱近北微低山頭有鄂博二爲分界處山之陰有小樺樹若干株山南有小泉二泉水甚旺此處舊有卡倫刻已作廢由此

而東皆山嶺相連東距二十餘里卽額爾庫里托羅海又名額爾德尼托羅海按蒙語謂蒙寶貝山也以山石多綠黑色故名在倫城西北三百三四十里山不甚高中有鄂博二爲分界處再

由此東南行三十餘里卽阿巴哈依圖又名阿巴該圖在倫城西北三百一二十里山不甚高與西北邊界各山脉相連分界鄂博在山頂之中近東南額爾古訥河南岸微高山頂有俄人所立之鄂博上有十字架偏東有小亭一北距四五里卽俄屯阿巴該圖南與我界新設卡倫相距十餘里由塔爾巴幹達呼山至此共一百八十餘里所立鄂博各山共計有六其無鄂博之空地卽以各鄂博相對之直線約計由阿巴哈依圖折而東北則以額爾古訥河爲中俄國界河之東岸爲我屬河之西岸爲俄屬但額爾古訥河之上游卽海拉爾河海拉爾河由東南來注流至此分而爲二一沿東岸流一沿西岸流下游至十餘里又合而爲一中間淤爲一洲長約十餘里寬三里許羊草豐茂其西岸之水較東岸之水約寬二丈俄人欲侵佔河洲之地遂指沿東岸者爲正流沿西岸者爲支流光緒三十四年秋間因刈羊草曾相爭執至今尙未確定額爾古訥河由此折而東北流四十餘里有新設防邊之孟克

西里卡倫對岸俄屯名開拉蘇台再北流九十里右岸卽新設防邊之額爾德尼托
羅輝卡倫對岸俄屯名都塔以再北流八十里右岸卽新設防邊庫克多博總卡倫
對岸俄屯名四大列矣粗魯海圖再北流五十里右岸卽新設防邊巴圖爾和碩卡
倫對岸俄屯名那維矣粗魯海圖再北流五十餘里右岸卽新設防邊之巴雅斯胡
郎圖溫都爾卡倫對岸俄屯名爾果黑再北流五十餘里右岸卽新設防邊之胡裕
爾和奇卡倫對岸俄屯名布拉再東北流五十餘里右岸卽新設防邊之巴彥魯克
卡倫對岸俄屯名伯爾今斯克再北流六十里右岸卽作廢之西伯布力拉克卡倫
對岸俄屯名別勒布得雷再北流二十里卽新設防邊之珠爾特依卡倫對岸俄屯
名汽羅布新斯克再北流八十里卽新設之吉拉林設治局西南對岸俄屯名臥牛
槐西北對岸俄屯名敖洛氣再北流五十里右岸卽新設防邊之莫里勒克卡倫對
岸俄屯名一勺嘎再北流八十里右岸卽新設防邊之畢拉爾河卡倫對岸俄屯名
畢拉再北流七十餘里卽新設防邊之牛爾河卡倫對岸俄屯名瑪林巴西洛夫再
北流七十餘里右岸卽新設防邊珠爾于河總卡倫對岸俄屯名烏奚洛甫再北流

十餘里右岸卽新設防邊之溫河卡倫對岸俄屯名葛其雅再北流九十餘里右岸至擬設防邊卡倫之長甸距對岸俄屯魯畢約三十里再北流一百五十里右岸卽新設防邊之伊穆河卡倫對岸俄屯名烏留賓再東北流九十餘里至擬設防邊卡倫之奇雅河口對岸俄屯名穆赤堪再東北流二百里右岸卽新設防邊之永安卡倫對岸俄屯名一各大其再東北流八十餘里至額爾古訥河口右岸卽新設防邊之額勒和哈達卡倫對岸俄屯名四大了可按此處應有界碑今已無存由塔爾巴幹達呼山東南至阿巴該圖折而東北至額爾古訥河口延長一千五百餘里開國至今二百餘年不但屬於天然者尺寸未失卽屬於人爲者其山嶺鄂博亦尙能尋名而責實惟沿邊俄民往往有越界之事康熙二十八年尼布楚所定條約第二條有云將額爾古訥河南岸眉勒爾喀河口卽莫里勒克之轉音所有俄羅斯房舍遷移北岸嗣後雖將房舍遷移而我界尙無居民越界之俄人仍難時時查禁乾隆二十五年由塔爾巴幹達呼山至布魯河設立卡倫十二名名目章程詳後卡倫章內以防俄人越界光緒十年因防俄人越界挖金復由布魯河以北至額爾古訥河口設立卡倫五越界之事

乃因之而稍息庚子之變俄人雖乘釁而起驅逐我華人焚毀我卡倫盤踞我金礦安設水磨墾種荒地河中之魚山中之草木鳥獸均一任其取携三十二年經前任蘇副都統復設卡倫十一處僅由查罕敖拉至珠爾特依以蒙人坐守彼時經前巡撫程公將吉拉林金廠收回三十三年復報稱俄人在吉拉林南北一帶越墾居住經蘇副都統派蒙員前往驅逐根株仍未淨盡是年冬宋副都統權鎮斯土越明年春咨請省署變通沿邊卡倫坐卡蒙兵一律撤換招募農民爲卡兵興辦屯墾以實邊境復訂立俄人越界刈草伐木納稅章程其越界安設水磨墾地挖金一律禁止沿邊之主權利權逐漸收回溯查俄人越界之故一原於彼界山童土瘠牧養牲畜需用材木非仰給於我界實無以爲生一原於我界之草木豐茂物產富饒向爲彼族所豔羨一原於我界空虛如入無人之境一原於蒙人愚弱以小利餌之卽任彼所欲爲有此數因積久遂成爲相沿之習慣加以庚子亂後我沿邊一帶之地彼直視爲己有今令其照章納稅實亦非彼所情願然猶不得不從者誠恐我一律封禁耳設使不令其納稅亦不准其越界彼實有性命之憂不惟力之所不能且亦勢之

所不必當此世界大同各國均有交通之便其優勝劣敗之比例不在乎邊禁之寬嚴專在乎邊備之疏密與實業之興廢我誠能完整邊備振興實業對於內可爲一極善之殖民地對於外可爲一最近之交易場國界既不至內蹙主權又不使外溢於當今時勢庶幾得之

謹按陸路邊界雖各設鄂博然年久失修且新舊參錯恐多疑誤水路雖有河流而港汊歧出中間淤洲屬此屬彼往往爭執易生界務交涉亟應咨明外務部照會俄使兩國派員會同照約查明陸路重立界碑水路立案聲明以垂久遠而免轉轄

蘇 子 卿

PDG

第二

河流一 額爾古訥河之源委廣遠及港沒

額爾古訥河之上游在倫城西北三百二十里逼近阿巴該圖山西卽海拉爾河下游蓋海拉爾河由東南來注至此遂分二派一支流繞阿巴該圖山南向西南流爲達蘭鄂洛木河流至六十餘里入呼倫池而止其正流則由阿巴該圖山西向東北流卽爲額爾古訥河水道曲折一千七百五十餘里至額勒和哈達卡倫西北流入黑龍江唐書稱爲室韃河南北朝時稱爲完水元史名也里古訥河又名也兒古訥河祕史謂之額湏古訥河然唐書謂室韃河源出呼倫池會典及水道提綱則均稱額爾古訥河上源爲克魯倫河今查克魯倫河匯鄂爾遜河流入呼倫池卽瀦而不流達蘭鄂洛木河由海拉爾河入呼倫池亦瀦而不流彼以額爾古訥河源出呼倫池克魯倫河爲額爾古訥河上源者蓋未見達蘭鄂洛木河水之方向謂達蘭鄂洛木河非由海拉爾河流入呼倫池係由呼倫池流入額爾古訥河也其不誤歟其所以與海拉爾河同源異名者緣河流至此作大轉折形如人曲腰以手遞物額爾